

Аллоҳ таолонинг валий бандаларидан бўлишимизга сабаб бўлувчи 10 та амал



15:00 / 24.01.2021 2195

Тўртинчи амал

Ҳавойи нафс ёмонликларга бошлаган чоғларда ҳам Аллоҳ таолога маҳбуб амалларни нафси истаб турган амаллардан устун қўйиш.

لَا أَقْمَلَسُوهُ وَيَلْعَهُ لَلِإِلَّهِ صَبْرًا لَّيْلًا نَعُوذُ بِاللَّهِ مِنْ ضَرَرَةِ رِيَّهِ بِأَنْ
أُولَاقِ تَجَرُّدًا وَبُعْفَرِي وَيَا طُحْلًا وَبُهِ لَلِإِلَّهِ وَحَمِي أَمِ يَلْعَهُ مُكْلِدًا أَلِ
أَطْحَلًا عَرْتًا وَبُهِ رَاكْمًا لَلِإِلَّهِ عَوْضُورًا غَابَسًا لَلِإِلَّهِ لُوسَرًا أَيْ يَلْبِ
هُ أَوْرًا طَابَرًا مُكْلِدًا فَلَإِلَّهِ صَبْرًا دَعَبًا لَلِإِلَّهِ رَاطِنًا أَوْ يَجَسَمًا لَلِإِلَّهِ
يَسِّنًا لَلِإِلَّهِ يَدْمُرَّتًا أَوْ مَلْسُمًا

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Сизларни Аллоҳ хатоларни ўчирадиган, даражаларни кўтарадиган нарсага далолат қилайми?» дедилар. Улар:

«Албатта, эй Аллоҳнинг Расули», дейишди.

У зот:

«Қийинчиликларга қарамай, таҳоратни яхшилаб қилиш, масжидларга қадамни кўпайтириш ва намоздан сўнг намозни интизор бўлиб кутиш. Ана ўша сиз учун «муробитлик»дир», дедилар».

Муслим, Термизий ва Насайй ривоят қилганлар.

Исломда мусулмонларни душманлар ҳужумидан ҳимоя қилиш учун шай бўлиб, чегарани қўриқлаб турган одам «муробит» дейилади. Бомдод намозини ўқиш учун иссиқ кўрпани устидан олиб, туриб, таҳорат қилиш ва масжидга юриб бориб, намоз ўқиш Аллоҳ аzza ва жалланинг рози бўлишига, хатолар ўчирилишига, даражалар кўтарилишига сабаб бўладиган амаллардандир. Нафс иссиқ ўриндан тургиси келмаса, банда нафсининг истагига қарамай, Аллоҳ таолонинг амрига итоат қилиб, намоз учун ўрнидан туриб, ҳаво совуқ бўлишига қарамай, таҳоратни яхшилаб қилиб, масжидга бориши Аллоҳ таолога маҳбуб амални нафси хоҳлаган амаллардан устун қўйишга мисоллардан биридир.

Нозимжон Ҳошимжон тайёрлади